


國立故宮博物院珍藏




清代起居注冊

咸豐朝

第十五冊

國立故宮博物院珍藏



清代起居注冊

咸豐朝

第十五冊

咸豐三年九月上……八五二五
咸豐三年九月下……八六八七
咸豐三年十月上……八八一七
咸豐三年十月下……八九五七

清代起居注冊—咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT \$ 86,000.00

72 · 12 · 0650

· 89007115 ·

清代起居注冊 咸豐朝第十五冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一二一三七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

序

新學堂
PDG

咸豐三年歲次癸丑九月初一日癸卯內閣
奉

諭旨此次帶領派往軍營察哈爾官兵之理藩院
侍郎副都統培成護軍統領副都統多爾濟那
木凱著加恩各賞銀一百五十兩此項銀兩著
由廣儲司給發又奉

諭旨訥爾經額奏賊匪竄越直境催調官兵堵剿

桂良奏臨洺關被賊竄擾勝保奏督兵星馳繞
赴直隸截勦各一摺該逆自山西洪洞東竄復
由屯留竄至潞城黎城一帶經勝保善祿托明
阿西凌阿等分路追截勝保已將賊匪北竄太
原之路扼要堵截托明阿由澤潞進兵復於屯
留境內追及賊蹤亦獲勝仗將該匪擊退數里
旋復奔突東竄而恩華赴晉迎勦之兵迄未與

賊一遇以致該逆徑由涉縣武安竄入臨洺據
關抗拒畿輔重地豈容逆匪竄擾該督訥爾經
額由臨洺退回暫駐廣平調集官兵親督進剿
勝保等已統帶各路大兵繞出賊前截擊托明
阿西凌阿等跟蹤追擊並有舒興阿派來之副
都統綿洵總兵桂齡與副將孔廣順官兵隨同
勝保等擊賊現在本省防兵及盛京吉林官兵

雲集已敷勦辦著再添派培成多爾濟那木凱
管帶駐紮南苑之察哈爾馬隊官兵即日起程
並派慶祺維祿管帶駐紮天津之盛京官兵迅
速馳往統計京外大兵數萬餘名併力奮勦諒
此么膺小醜惡貫滿盈盡數殲除剋期可待前
曾疊次諭令訥爾經額嚴防直隸各要隘據奏
早經布置何以先期絕無偵探準備以致賊匪

竄入直境該督調度乖方實難辭咎訥爾經額
著革職留任並拔去花翎以示薄懲恩華會勦
遷延致賊東竄著革職留任仍責令帶兵迅速
繞出賊前會同勝保協力勦辦以贖前愆托明
阿勒賊奮勇出力身受槍傷惟未能遏其竄逸
著降五級留任勝保督催不力咎亦難辭著降
二級留任均著迅速會勦殄此羣兇肅清畿甸

如帶兵大員及鎮將以下各員弁再有逗留不
進致誤事機者即著該大臣懍遵前旨嚴叅懲
辦是日太常寺題十月初一日孟冬時享

太廟一疏奉

旨朕親詣行禮

後殿遣端華行禮東廡遣奕綱西廡遣廣林各分獻
是日兵部題湖南撫標右營遊擊員缺請將

升署都司劉建綱擬補一疏奉

諭旨劉建綱依議用餘依議是日

起居注官廣鳳卓樞

初二日甲辰內閣奉

諭旨祁寓藻等奏會同傳旨審訊已革江蘇巡撫

楊文定並將親供呈遞所有楊文定應得罪名

著原派之軍機大臣會同刑部定擬具奏奉

諭旨宗人府八旗都統奏遵議紅白賞卹分別酌
辦各一摺著照所議所有宗室覺羅現任食俸
官員本身紅白事暨閑散宗室覺羅紅事賞卹
銀並八旗官員紅白事及兵丁紅事賞卹銀均
暫行停止其閑散宗室覺羅白事卹銀暫停一
半至八旗兵丁白事卹銀仍照舊賞給一俟庫
款稍充再行查照舊章辦理該部知道又奉

諭旨刑部奏審擬張德順控案一摺內務府鑲黃
旗護軍參領鄧廣和鑲黃旗漢軍馬甲李林均
著斥革餘依議又奉

諭旨培成現在出差理藩院右侍郎著載齡署理
又奉

諭旨多爾濟那木凱現在派赴軍營其所管正紅
旗護軍統領事務著玉明署理又奉

諭旨柏後等奏內務府三旗人等續捐礮位經費
開單請獎等語著內務府按照單開銀數速議
具奏單併發又奉

諭旨柏後等奏侍衛捐輸礮位經費等語二等待
衛宗室壽善著交部議敘又奉

諭旨柏後等奏官民鋪商人等續捐礮位經費開
單請獎一摺著戶部按照單開銀數速議具奏

單二件併發另片奏山東章邱縣原任候補知府孟懷川孀妾孟馮氏及大興縣民戴崇義應如何給予獎勵之處著該部一併議奏又奉

諭旨昨因逆匪竄越直隸交界降旨令各路統兵大員帶領官兵分路進剿復派培成多爾濟那木凱管帶駐紮南苑之察哈爾馬隊官兵慶祺維祿管帶駐紮天津之盛京官兵前往協剿著

再添派副都統右翼總兵達洪阿挑選八旗精
兵馳赴臨洺關等處併力勦捕以上各官兵均
著聽候欽差大臣勝保調度又奉

諭旨怡良奏查明匪徒滋事請將各該地方官分
別懲辦一摺江蘇署嘉定縣知縣馮翰於鄉民
鬧署搶毀縱犯之際該員棄城逃匿實屬罪無
可逭馮翰著即革職拏問定擬具奏兼理嘉定

縣署鎮洋縣知縣鄭揚旌於抵任後如果撫馭
得宜何至匪犯復行踞城署青浦縣知縣張銘
曉寶山縣知縣金衍照於匪徒入城滋事時或
不知下落或帶印出城均難辭罪鄭揚旌張銘
曉金衍照均著先行革職如查有聞警先逃情
事即著從嚴懲辦其被逼自盡之署川沙廳同
知竇塾署南匯縣知縣章惠與被害之署上海

縣知縣袁祖惠均著查明情節請卹現在署巡撫許乃釗署臬司吉爾杭阿先後帶兵前往勦捕著即將糾約滋事首犯周立春嚴拏務獲盡法懲辦並將夥匪悉數殲擒毋任一名漏網餘著照所議辦理該部知道又奉

諭旨怡良許乃釗奏知府缺出開單請簡一摺江蘇常州府知府員缺著世焜補授又奉